


• 1114 -

LC V.6



ՀԱՄԱՅՆՔ

ՅԵՂԱՓՈԽԱԿԱՆ ՊՐՕՊԱԳԱՆԴԸ ԵՒ ՅԵՂԱՓՈԽՈՒԹԻՒՆԸ

Ամբողջ քաղաքակրթեալ մարդկութիւնը մի լարուած եւ տենդային դրութեան մէջ է: Մինչեւ այժմ մարդկային ընկերութեան հիմքը կազմող բռնապետական եւ հարստահարական կարգերն այլեւս չ'կարողանալով դիմանալ ճշւում եւ բռնաբարուած դասակարգի հոսանքի դէմ, կործանելու մօտ են: Մշակն, արհեստաւորը եւ գործաւորը, մարդկային ընկերութեան այդ կենսատու ոյժը, այլեւս չէ ուզում անաւտուրի նման չարաչար աշխատել կալուածատէրերի, գրամատէրների եւ հարկահանների անյագ որովայնը պարարտացնելու համար:

Արդիւնաբերող այդ ամբողջ դասակարգը, որ մարդկութեան ստուար մեծամասնութիւնն է ներկայացնում, իւր երկար դարերից 'ի վեր բռնաբարուած իրաւունքները ձեռք ձգել է կամենում:

Բուրժուազական կարգերը օրից օր քայքայւելու վրայ են, իսկ ինքը բուրժուազիան հուգեվորքի սազնապում սարսափահար, մահաւերձի ահռելի, բայց ունայն ճիգերն է թափում անխուսափելի կորուսից ինքնիրան փրկելու համար:

Հարստահարիչների եւ հարստահարեալների յարաբերութիւններն օրից օր աւելի թշնամական են դառնում:

Աշխատող դասակարգն ուզում է ձեռք ձգել իւր արինով չաղախուած հողը եւ աշխատութեան միջոցները: Նա կամենում է ազատ եւ խաղաղ սրտով վայելել իւր ճակտի քրտինքով արդիւնաբերած հացը: Բայց աւագ, որ ժողովուրդը իւր արեան եւ քրտինքի արդիւնք եղող այդ հացը, իւր արեան գնով վերատին գնելու է ստիպուած:

Հարստահարուած ամբողջ լաւ հասկացած լիւնելով՝ որ առանց արիւնահեղ յեղափոխութեան

իւր նպատակին հասնել անկարելի է, սկսած է արդէն պատրաստուիլ եւ կազմակերպուիլ այդ ուղղութեամբ:

Տնտեսական այդ անեղ յեղափոխութեան մօտալուտ փոթորիկի աղմուկը խուլ կերպով լսվում է արդէն ամեն կողմից: Դարերից 'ի վեր բռնապետական եւ հարստահարիչ լծի տակ ստրկացած եւ թմրած մարդկութիւնը մի քանի սառնակ տարիների ընթացքում ուշքի է գալիս, սկսում է նկատողութեան առնել իւր թշուառ դրութիւնը, հետազօտում է իւր տառապանքի պատճառը եւ մի դարման է փնտռում: Նա իւր փրկութիւնը յեղափոխութեան մէջն է տեսնում. եւ ամեն վտանգ յանձն առած՝ անյողդողդ գիմում է դէպի նա:

Հարստահարուած մարդկութեան յանկարծակի ցոյց տուած այդ վերակենդանութիւնն ուրիշ բանով չէ կարելի մեկնել, եթէ ոչ վերջին ժամանակներում ընկերվարական գաղափարաց արած յառաջադիմութեամբը եւ նրանց ժողովրդի հոգին խորք թափանցելովը:

Արդիւնաբերող մեծամասնութեան թշուառութիւնը դարերով է հաշվում, բայց այդ երկար եւ դառն ժամանակում ժողովրդի բնագիմադրութիւնը շատ թոյլ եւ դուրեկնեղի է եղած: Ինչո՞ւ. որովհետեւ իւր վիճակի եւ իրաւունքների գիտակցութիւնը եւ գաղափարի ոյժը պակսում էր նրան: Իւր վիճակի եւ իւր իրաւունքների գիտակցութիւնը պակսում էր նրան, որովհետեւ յեղափոխական պրօպագանդը գոյութիւն չ'ունէր:

Յեղափոխական պրօպագանդը անընկճելի է դարձնում ժողովրդի ապրտամբական շարժումը:

Այո՛, յեղափոխական պրօպագանդն է այն մոգական ոյժը, որ իւր ընկերաբանական եւ տնտեսական յօգուածներով ժողովրդի գիտակցութիւնը դարձնում է իւր դէմ գործուած զրկանքներին եւ նրանց ջնջելու միջոցներին վրայ:

Այո՛, յեղափոխական պրօպագանդն է, որ իւր մարդկային ընկերութեան թշուառութեամբը լի սրտից բղիւսած եւ արդար գայրոյթով շարադրուած յօգուածներով ներկայ կար-

գերի դէմ ապստամբեցնում է ամբոխին, եւ ապագայի յոյսով քաջաբերելով, հերոս է դարձնում նրան:

Այո՛. յեղափոխական պրօպագանդն է, որ իւր ոգեւորիչ տողերով հարստահարիչ կառավարութեանց կողմից ժողովրդի յեղափոխական ոգին տակաւին իւր խանձարութեամբ խեղդելու համար զործ դրած ամեն դժոխային միջոցները չէզոքացնում եւ ժողովրդի ազատութեան եւ բարօրութեան համար ընկած իւրաքանչիւր նահատակի տեղ տասնեակներ է յաւելցանում:

«ՀԱՄԱՅՆՔ»-ի միակ նպատակն այդ յեղափոխական պրօպագանդին ծառայելն է:

Հայ ազգի մեծամասնութիւնը յեղափոխական ճիւղաճամբի մէջ է. ինչպէս ամեն ժողովուրդները նոյնպէս եւ հայ ժողովուրդը դէպի յեղափոխութիւն մղողը իւր տնտեսական անտանելի դրութիւնն է, որ աւելի ծանրացած է իւր վրայ իշխող բռնակալների բարբարոսութիւններով: Անտանելի հարկեր, աներեւակայելի վաշխեր հայ ժողովրդի արիւնը քամեցին. արհեստաւորից իւր գործիքները եւ երկրագործից գութանն ու եղները, մինչեւ իսկ իւր սիրելի հողը խլեցին եւ ստիպեցին խեղճ հայ գիւղացուն իւր հայրենական օձախը թողուլ եւ զանազան մեծ քաղաքների ապականուած միջնորդութեամբ հալ ու մաշ լինել: Հերիք չ'էր որ հայ գիւղացին իւր քրտինքով պարարտացրած հողը իրեն վարձուր մշակում էր, նրանից հայ պրօլէտարիայ ստեղծեցին, առանց Հայաստանում մեծ արդիւնաբերութեան գործարաններ հաստատելու: Բագու, Բախում, Պոլիս, Յունաստան, Բուխարա, մինչեւ Ամերիկա տասնեակ հազարներով հայեր իւրեանց մկանների ոյժն են շահագործում ի հաշիւ կապիտալիստների:

Հայ ժողովուրդը իւր վիճակին ծանրութիւնը զգացած է եւ նրանից ազատուելու միակ միջոցը գտած, որ յեղափոխութիւնն է: Հայ երկրագործը, աշխատաւորը եւ այդ աշխատող բայց ճշուած գասակարգին նուիրուած եւ նրա ապագայ երջանկութեան իդէալով ոգեւորուած երիտասարդութիւնը ձեռք ձեռքի տուած կրուում են իրանց կաշկանդող շղթաները փշրելու համար: Հայ յեղափոխական շարժումը հայրենահաւատական փանատիզմի արդիւնք չէ: Մի ազգի բուրժուազական գասակարգը միմիայն ընդունակ է ազգային տնտեսութիւն ունենալ. իսկ մեզանում վաշխառու հարուստ գասակարգը զուրկ լինելով այդ ազգային տնտեսութիւնից էլ, ոչ միայն ոչինչ չէ ստում, այլ մին-

չեւ իսկ թշնամու կողմն է բռնում շատ անգամ:

Հայ յեղափոխական շարժման հիմքը արդեւ նաբերող ժողովրդի թշուառ դրութիւնն է եւ նրա նպատակը այդ նահատակուած ժողովրդի տնտեսական բարօրութիւնը:

Հայ ժողովրդի կրած սոսկալի հարստահարութիւնները նրա տնտեսական թշուառութեան բնական հետեւանքներն են: Նրա կեանքը աւազակների եւ աւազակ կառավարութեան ձեռքում խաղալիք է, որովհետեւ նա միջոց չունի ինքնիրան պաշտպանելու: Նրա ընտանեկան պատիւը վայրենի կրքերի զոհ է, որովհետեւ նա ստիպուած է հարկերը վճարելու համար ձգել իւր ընտանիքը անպաշտպան եւ հեռանալ: Նրա գոյութիւնը վտանգի տակ է սովից, տարափոխիչ հիւանդութիւններից եւ վաղթականութիւններից, որովհետեւ նա ազքատ է, որովհետեւ նրա աշխատութեան արդիւնքը խլում են նրա ձեռքից: Հայ ժողովրդի թշուառ դրութեան չի կարելի դարձնան անել առանց նրա տնտեսական դրութիւնը բարեփոխելու:

Հայ ժողովրդի իսկական փրկութիւնը նրա տնտեսական ազատութեան վրայ պիտի լինի հիմնուած:

Հայ ժողովրդի տնտեսական ազատութիւնը պիտի լինի միակ աղբիւր իւր երջանկութեան, ինչպէս որ այժմեան տնտեսական յոռի դրութիւնն է նրա թշուառութեան բուն պատճառը:

«ՀԱՄԱՅՆՔ» պիտի ուսումնասիրէ հայ արդիւնաբերող ժողովրդի թշուառութեան այդ աղբիւրը եւ պատճառները, պիտի հետեւի նրա յեղափոխական գործողութիւններին, պիտի տեղեկացնէ նրան Եւրոպայի թշուառ գործաւորների եւ երկրագործների յեղափոխական ասպարէզում արած նորանոր քայլերի մասին: «ՀԱՄԱՅՆՔ» օգտուելով տնտեսագիտական եւ ընկերաբանական գիտութիւնների ասպարէզում նշանաւոր հանձարների գաղափայնելից եւ Եւրոպական յեղափոխական կեանքից՝ պիտի ուսումնասիրէ ընկերութեան ապագայ կազմակերպութիւնը, ուր միայն թշուառ մարդկութիւնը իւր դժբաղդը զլուխը պիտի հանդնչէ:

Օ՛ն, յառաջ.

յանուն թշուառ մարդկութեան,

յանուն հարստահարուած հայութեան,

յանուն տնտեսական յեղափոխութեան:

ՀԱՄԱՅՆՔԸ

Սպասույթի մասին վարժարանը Համայնքն է,
էդ. Լալուէյ:

Առանց յեղափոխութեան չկայ փոփոխութիւն — այս անհերքելի ճշմարտութիւնն արդէն հայ ժողովրդի հոգու խորքն է թափանցել, եւ ոչ ոք չի կարող արմատախիլ անել նրան: Այս նպատակով գործադրած եւ գործադրուելիք բանապետական ամեն միջոց ուրիշ հետեւանքի չեն կարող հասնիլ, եթէ ոչ բոլորքեղ ժողովրդի սրտում ծագած այդ նորափառ հրգեհը:

Հայ ժողովուրդը համոզուած է, որ յեղափոխական գործունէութեամբ միայն կարող է ազատութիւն ձեռք բերել: Նա ոչ միայն այլուս ոչինչ չէ սպասում թիւրք եւ ռուս բռնակալների («բարեխնամութիւնից»), այլ եւ իր յոյսը կարել է նմանապէս Եւրոպական մեծ պետութիւններից, որոնք իսկապէս արդէն քայքայման եւ լուծման վրայ են, չը նայած իրենց արտաքին փառքին եւ ոյժին:

Եւրոպական կառավարութիւնները դրադուած լինելով իրենց երկրների բանւորների ճնշումով յօգուտ կապիտալիստների կեղեքման, ժամանակ չունեն հայերի համար մտածելու անգամ: Եթէ ժամանակ էլ ունենան, միթէ հարստահարիչներից կարելի է ազատութիւն սպասել:

Ինչպէս դէպի մեր բռնապետները, նոյնպէս եւ դէպի Եւրոպական հարստահարիչ կառավարութիւնները, որոնք իրենց աշխատաւորների արդիւնքը ծծում եւ յետոյ, գործադուլների ժամանակ, գնտակահար կոտորում են, մենք ուրիշ զգացում չենք կարող ունենալ, եթէ ոչ ատելութիւն եւ արհամարհանք:

Մենք, մեր վիճակի մասին գիտակցութիւն ունեցող բոլոր հայերս, համաձայն ենք մեր բռնելի շաղի, եւ մեր գործ ածելու գէշքի մասին: Այո՛, մեր բոլորիս դրօշակը մի է, որի վրայ կարգադրում է մեր ընդհանուր նշանաբանը. *յեղափոխութիւն*:

Լինելով համաձայն յեղափոխութիւն յարուցանելու, տարածախնութիւնը սկսվում է մեր մէջ երբ խնդիրը գալիս է այդ յեղափոխութեան միջոցով մեր հասնելու նպատակին: Ժամանակի կորուստ արած չենք լինիլ, եթէ մտածենք՝ յեղափոխութիւնից յետոյ ի՞նչ է լինելու: Երբ երկրագործը իր գութանը դուրս է բերում արտը, արդէն գիտէ ինչ է ցանելու. երբ ատաղձագործը ձեռք է առնում գործիքները, նմանա-

պէս գիտէ, թէ ինչ է շինելու. եւ ինչո՞ւ չպէտք է այսպէս լինի նա՛ եւ հասարակութեան համար. միթէ յեղափոխութիւնը պարզապէս մի գործիք, մի միջոց չէ կերպարանափոխելու հասարակութիւնը, նրան տալու նոր կազմութիւն՝ համեմատ ժողովրդի շահերին եւ պահանջներին:

Ի հարկէ՝ — այո՛:

Եւ հին կարգերը խորտակելու դիտումով, պէտք է, անհրաժեշտ է ունենալ մի ուղեցոյց զաղափար, սկզբունք, իրազործելու հասարակական մի կաղապար (մօդէլ):

Ո՛րտեղ կարելի է գտնել այդ կաղապարը, եթէ ոչ եւրոպական պրօլետարիատի յեղափոխական պատմութեան գեղեցիկ էջերում: Ընդհանրապէս մեր յառաջագիւծութեան համար ամեն ինչ Եւրոպայից ենք վերցնում, մինչեւ իսկ նրա թերութիւնները ու մղութիւնները: Ել ինչո՞ւ համար պիտի փակենք մեր աչքերը, չտեսնել ձեւանանք ա՛յն, ինչ որ ամենադեղեցիկն է, ամենից վսեմն է նոյն Եւրոպայում: Ինչո՞ւ համար չպիտի սովորենք, հետեւենք այն յեղափոխական գասելին, որ նա է մեզ տալիս:

Մենք պարտաւոր ենք այդ անելու, եթէ ուզում ենք կանգնած լինել մեր կոչման, մեր զաղափարի բարձրութեան վրայ:

Մենք պարտաւոր ենք այդ անել ոչ թէ կուրօքէն, ստրկաբար հետեւելով, ընդօրինակելով, այլ գիտակցաբար պատուաստելով նրանց սկզբունքը մեր երկրի յատուկ պայմանների համեմատ:

Եւ այս սկզբունքը ոչ այլ ինչ է, եթէ ոչ Համայնական կատարեալ անկախութիւն, ինքնուրոյնութիւն: 1871 թւականի ժողովրդային մեծ յեղափոխութիւնը, որը յայտնի է «Պարիզի Կօմունան» անունով, Ալկուայի Կօմունան, Սան Լիւկարի Կօմունան եւ նորերում տեղի ունեցած գիւղական ապստամբութիւնը Քսէրէսում (Իսպանիայում), եւ այլն, ոչ այլ ինչ էին, եթէ ոչ հերոսական փայլուն փորձեր իրականացնելու այս սկզբունքը, որը պիտի լինի աշխատաւոր մարդկութեան դէվիզը:

Շրջեցէք ծայրից ծայր ամբողջ աշխարհը, հետազօտեցէք մարդկային ազգի պատմութեան յուրքը, ո՛րտեղ եւ ո՛ր ժամանակ էլ լինի, դուք կը գտնէք միայն մի ձեւ. մարդկային համախորհման, որը հաստատ է, մշտական է, միջնդեռազաքական կազմակերպութեան բոլոր ձեւերը՝ կայսրութիւնները, թագաւորութիւնները, հասարակապետութիւնները, եւ այլն, փոխադարձաբար իրար յաջորդում եւ անհետանում են, թողնելով իրանց յետեւից միայն ճնշման, կե-

դեքման եւ թշուառութեան հետքեր, յիշատակներ. այդ հաստատուն ձեւը Համայնքն է:

Այժմեան բոլոր կառավարութիւնները, լինեն միապետական թէ հանրապետական, նրանք նոյնպէս դատաւարտուած են անհետանալու, եւ այս անգամ ընդ միշտ, անդառնալի կերպով, թողնելով ազատ ասպարէզ Համայնքների զարգացման եւ յառաջագիւծութեան:

Ահա այդ է այն պատմական նոր շրջանը, որի մէջ ուրք է կոխում մայրկուլթիւնը, եւ մենք, հայ յեղափոխականներս էլ պարտաւոր ենք համարձակ ընթանալ այս ուղղութեամբ: Մենք կը հարուածենք ներկայ ըէֆէմի բուն հիմքը, քարոզելով եւ սերմանելով Համայնական անկախ ոգին, ապստամբեցնելով նրանց դէմ հենց Համայնքը: — Բաւական է, որչափ մենք մեզ խաբեցինք օդային անմիտ բացականչութիւններով, բաւական է որչափ աննպատակ եւ մեքենայաբար կրկնեցինք («ազգային անկախութիւն») եւ («հայկական կառավարութիւն») խօսքերը՝ առանց ոչինչ հասկանալու ժամանակ է այդ («ազգասիրական») բացականչութիւնները թողնել. ժամանակ է մեր ազատական իդէալը համայնական պահանջների վրայ հաստատել եւ մեր մարտին էլ նոյն ուղղութիւնը տալ: Այդ անշուղթ Յեղափոխութեան նպատակը ամենքին պարզ կերպով հասկանալի կը դառնայ, նա գործնական բնաւորութիւն կը ստանայ եւ մատչելի կը լինի նոյն իսկ ամենառամիկ մարդու համար: Հէնց այդ պատճառով էլ նա անհամեմատ մեծ պաշտպանութիւն կը գտնի ժողովրդից, անհամեմատ բազմամթիւ անձնաւորութիւն կարապետներ եւ գործիչներ կառաջացնի:

— 0 —

ՄԻՋԱԶԳԱՅԻՆ ՅԵՂԱՓՈՒՄԱԿԱՆ ՇՍՐԺՈՒՄ

Թ Ի Ի Ր Ք Ի Ա

ՆՈՐ ՆԱՀԱՏԱԿՆԵՐ. — Անցեալ սեպտեմբերի 8-ն Մարզուանում թիւրք բռնակալութիւնը մի քանի նոր զոհեր եւ տարաւ յեղափոխական բանակից: ԲԱՐՍԵՂ ԶԱՔԱՐԵԱՆԸ, ՄԻԻԹԱՐ ՏԷՐ ՆՇԱՆԵԱՆԸ, ՄԻՀՐԱՆ ԶԷՆԿԻԻԺԵԱՆԸ եւ երկու ուրիշ յեղափոխականներ ընկան անհաւասար կռիւ մէջ (7 հոգու 600-ի դէմ) արիարար պաշտպանութեան յետոյ:

Ներկայ հայկական յեղափոխական շարժումը կենտրոնացած է Ալաշկերտում, Վասպուրականի նահանգում, Մշոյ դաշտում եւ Սասնոյ լեռներում:

Ալաշկերտիք անկարող լինելով այլեւս տանել տաճիկ կառավարութեան անսահման աճող ճնշումները եւ դրա վրայ աւելացած Համիդէյի քրդական գնդերի աւարառութիւնները, սկսեւ են գաղթել: Հարիւրաւոր ընտանիքներ, տուն, տեղ, դաշտ, այգիներ թողած, երեխաները գրկած անցնում են ռուսական սահմանը եւ ապաստարան որոնում: Սակայն այդ վճատութիւնը ընդհանուր չէ. տեղում մնացածները նոյն կերպով են պատասխանում իրենց թշնամիներին: Երիտասարդների խմբեր յաճախ յարձակումներ են գործում իրենց դրացի աւազակների վրայ, այրում են նրանց խոտի դէզերը, քշում նրանց հօտերը, եւ այլն...

Աւելի որոշ բնաւորութիւն ունի Վասպուրականի կոիւր, որը վաղուց է սկսվել եւ աւելի ոյժ ստացել վերջին երկու տարիներս: Առիւր առաւել սաստիկ է Վան քաղաքի մէջ եւ ուղղուած է գլխաւորապէս կառավարութեան դէմ, նորա անխիղճ պաշտօնեաների եւ այն վատարի հայերի դէմ, որոնք իրենց անձնական ապահովութեան համար ստրկանում են կառավարութեան առջեւ եւ նրա գործիքը դառնում: Այսպէս՝ տէռօրի են եւ թարկված Նշան Թարգիբաշեան (սպանված), Տիգրան Ամիրջանեան (ծանր վիրաւորած), Զրադեան (սպանված), Մէհմէտ էֆ. (անաջող), Նարի (վիրաւորված), Թէրգիբաշեան Յարութիւն էֆ. (ծանր վիրաւորված), Տէր-Պողոսեան Օհաննէս էֆ. (անաջող), Դլթչեան Յակոբ (սպանված), եւ այլն.....

Իսկ քաղաքից դուրս կռիւր նոյն աւազակաբաղդ բրդերի հետ է: Նշանաւոր է հրոսակային մի խմբի ընդհարումը յայտնի աւազակ Շաքիրի հետ, որի ժամանակ Շաքիրը կորցրեց իր մարդկանց մեծ մասը, իսկ ինքը ազատվեց միայն իր լաւ ձիու շնորհիւ:

Ուշագորութեան արժանի է եւ զինակիր խում-

րերից մէկի յուսահատական կռիւր. խումբը կորցրեց երեք ընտիր երիտասարդներ:

Ներկայումս Վանայ բերդը լինէն է հայ բանտարկեալներով, որոնց բոլորին մեղադրում են յեղափոխութեան մէջ և որոնց ենթադրուած են պնդիսի տանջանքների, որ միայն թիւրք կառավարութեան հանձարը կարող է հնարել: Բանտարկեալներից ոմանք խեղադարձել են, ոմանք նահատակվել, ոմանք էլ անձնասպանութիւն գործել:

Մշոյ նահանգում կռիւր մի քիչ այլ կերպարանք է կրում: Մուշ քաղաքը համարեալ է մասնակցում այդ ընդհանուր մարտին: Սակայն Մշոյ դաշտի գիւղերը տալիս են հերոսութեան, տոկոսնութեան անընդհատ օրինակներ: Մշոյ դաշտի հրոսակային խմբերը սպանում են մատնիչներին, կառավարութեան գործակալներին, կուում են իրենց վրայ յարձակվող բրդերի դէմ և աւելի նշանաւորը այն է, որ կառավարութեան գինւորների գործ դրած գազանային տանջանքները անկարող են լինում գիւղական ազգաբնակչութեան բերնից մատնութեան մի խօսք անգամ դուրս քաշել: Վերջերումս նահանգում գործող հրոսակային խմբերից մէկը, նշանաւոր Արաբլի առաջնորդութեամբ, կոտորվել է բրդերի ձեռքով:

Իսկ Սասունը արդէն պատերազմական դրութեան մէջ է: Պատսպարված լինելով անմատչելի լեռներով, անառիկ ձորերով, Սասունցիք յոյսը իրենց բազկի վրայ դրած վաղուց ի վէր չեն ուզում ճանաչել դահիճ կառավարութիւնը, չեն ուզում նրան հարկ տալ: Վերջերումս մի քանի գիւղեր (Աղբի, Զիթիւն, Եղկարդ...), ապստամբվելով, խրկում են կառավարչական հարկահաններին, քշում ուղարկած զօրքերը և միանում Սասնոյ ազատ մասին: Կառավարութիւնը չէր կարող հանդարտ աչքով նայել այս յանդգնութեան վրայ և ահա նա գրգռում է շրջակայ քիւրդ բէկերին Սասնոյ դէմ: Հազարաւոր քրդեր պատում են Սասունը: Սասունցիք մերժում են պաշարողների պահանջը՝ հնազանդութիւն յայտնել, վճռած լինելով կամ ազատ մնալ,

կամ մեռնել: Քրդերը կատաղի յարձակումն են գործում: Ընկնում են բազմաթիւ մարդիկ երկու կողմից էլ: Սասունցիք քաշվում են երկրի խորքերը, ամենեւին մտադրութիւն չունենալով հնազանդուիլ: Պաշարված դրութիւնը շարունակվում է մինչև այսօր...

Ուրախալին այն է, որ ինչպէս ասում են, քրդերի մի մասը միացած է հայերի հետ:

Ռ Ո Ւ Ս Ա Ս Տ Ա Ն

Արտասահմանեան թերթերը հաղորդում են. — Մոսկւայի ոստիկանութիւնը, յանկարծակի վրայ է տուել մի սօցիալիստ-յեղափոխական ժողովի, որը կազմած էր 80 հոգուց, որոնցից ութը կանայք են եղել: Դէպքը պատահում է քաղաքից դուրս մի տան մէջ:

Ոստիկանութեան և կազակների վրայ հասնելու ժամանակ 5 հոգի ինքնասպանութիւն են գործում, 32-ը փախչելով ազատում են, մնացածները կալանաւորւում են: Կալանաւորութեան ժամանակ տեղի է ունենում կռիւ, որից 14 ոստիկան ծանր վիրաւորւում են:

Ի Տ Ա Լ Ի Ա

Մինչդեռ Հայաստանում յեղափոխական հոսանքը հազիւ է սկսել բուն ժողովրդային շարժման բնաւորութիւն ստանալ Սիցիլիան կատարեալ ապստամբական դրութեան մէջ է: Դժուար չէ գուշակել թէ ինչը ստիպեց Սիցիլիայի գիւղացիներին պարզել յեղափոխական կարմիր դրօշակը. պատճառը աղքատութիւնը, ծայրայեղ թշուառ տնտեսական դրութիւնն է: Իտալիայի այս մասի բնակիչները աւելի լաւ չեն ապրում քան հայ երկրագործը: Ահա թէ ինչպէս է նկարագրում Հոօմի մի թերթ կղզու բնակիչների կերած հացը. —

«Դա մի տեսակ հողի նման բան է, ածուխի նման սև, մետաղի պէս հարթ, տեղ-տեղ դեղնագոյն բիծերով ծածկված, որ կարծես թէ մէջը փթածի նշաններ լինեն: Եւ այդ հացը ուտում ե՞ն: Ասում են որ՝ այդ Բայց հասկանալի է, որ այն մարդկանց հոգին

որոնք ստիպված են գրանով կերակրուել, այդ հացի գոյնի պէս մռայլանում, խաւարում է:

«Եւ սակայն նոյն գիւղացիների աչքի առջև հասնում են ցորենի ոսկեգոյն և հրաշալի հասկերը, նրանք շարքավում, տանջվում են հողը պարարտացնելով և արևի կրակի տակ հունձքի ժամանակ նրանք խաղացնում են ծանր մանգաղը: Բայց դա մի երազ է, որ երկրագործը տեսնում է բաց աչքերով: Իրականութիւնն այն հացն է, որ ուտում են»:

Այն պատճառները, որ զրկում են Սիցիլիայի գիւղացիներին «ոսկեգոյն և հրաշալի» հասկերից, մի և նոյնը են, ինչ ուրիշ շատ երկրներում, ինչպէս, օրին., մեզ մօտ: Նրանց վաստակի մի մասը վերցնում են աղաները, իբրև հողավարձ, իսկ մնացածի մեծ բաժինը կառավարութիւնն է վերցնում ուղղակի և անուղղակի հարկերով: Վան տեղեր, ուր հարկահանները ամբողջ տներ են ծախել տալիս 10 ֆր. (4 ռուբլի) հարկի պատճառով, ինչպէս օրին. Չիարամօնտէ քաղաքում: Բայց ազգաբնակչութեան համար ամենածանրը անուղղակի հարկերը, մաքսերը են: Սիցիլիայի գիւղացիները և ծծումբի գործարաններում աշխատող բանւորները այժմ կուռում են իրենց թշուառութեան հէնց այդ աղբիւրների դէմ:

Ամբողջ համայնքներ ապստամբվում են, յարձակւում են համայնական խորհրդատուների և մաքսատների վրայ, պրօւում են հարկերի և հասցիների մատենաները, ցրիւ են տալիս մաքսատների գրասենեակները, արժանաւոր կերպով պատժում են պաշտօնեաներին, ազատում են բանտերից ձերբակալված ապստամբներին: Ամբողջ կղզու վրայ հրդեհներ կան, աղաներից վրէժխնդիր լինող ժողովրդի գործն է դա:

Ամենայն արագութեամբ ուղարկուած զօրքերը անզօր են շարժման առաջը առնելու: ապստամբութիւնը շարունակվում է, ընդհանրանում է և կատարեալ յեղափոխութեան է սկսում նմանիլ: Հագիւ մի համայնք յաղթւում է զօրքերի միջամտութեամբ և արիւնահեղ կուրից յետոյ, արդէն հարևան համայնքն է

ապստամբվում, յետոյ հերթը հասնում է մի ուրիշին, մի քանի համայնքներին միատեղ: Կառավարութիւնը չէ համարձակվում կենտրոնացնել զինւորական դնտերը Սիցիլիայում, որովհետև ամենեին վստահ է, որ պետութեան միւս նահանգները խաղաղ կը մնան. արդէն մի քանի քաղաքներում բացարձակ համակրական ցոյցեր են արուել ապստամբների համար: Չիմանալով ինչ անել, ինչ կերպ յաղթական շարժման առաջը առնել, կառավարութիւնը պատերազմական դրութիւն է յայտարարել Սիցիլիայում: Չը նայած դրան, շարժումը շարունակում է և հետզհետէ աւելի սուր կերպարանք է ստանում:

Թերթիս ծաւալը մեզ թոյլ չէ տալիս առաջ բերել Սիցիլիայի յեղափոխութեան մանրամասնութիւնները: Ապստամբ համայնքների անուններն իսկ պարզապէս թւելը երկար կը լինէր: Յիշենք միայն Մարինէօն, ուր մի արիւնահեղ պատերազմ տեղի ունեցաւ զօրքերի հետ, որի ժամանակ ընկնում են մօտ 30 հոգի և յիսուն հոգի է վիրաւորվում են:

Սիցիլիայի յեղափոխութիւնը բացարձակ համայնական ուղղութիւն է ստացել (որի առաւելութիւնների արծարծելը և տարածելը հայերիս մէջ մեր թերթի նպատակն է): Եթէ այս անգամ այդ շարժումը կատարեալ յաղթանակ էլ չը տանի, նրա նշանակութիւնը կրկին մեծ պիտի լինի, որովհետև նա ցոյց կը տայ ժողովրդին թէ ինչ ուղղութեամբ և ինչ միջոցով կարելի է ազատութիւն ու բարեկեցութիւն ձեռք բերել: Մի ժողովուրդ, որի մէջ մասնաւոր ապստամբութիւններ չեն առաջանում, երբեք չէ կարող մի ընդհանուր յեղափոխութիւն անել: Ապստամբութիւնը յեղափոխութեան անհրաժեշտ նախաբանն է: Այդ տեսակէտից մենք ողջունում ենք Սիցիլիայի ապստամբութիւնները, ինչպէս և Սասնոյ ապստամբութիւնը: Հայ թէ իտալացի, ամեն ժողովրդի համար ազատութեան ուղին մէկ է:

Ի Ս Պ Ա Ն Ի Ա

Անցեալ սեպտեմբերի 24-ին (ն. տ.) Բարդէլոն քաղաքի բոլոր զինւորանոցները ամալի էին: Զօրքերը դուրս էին տարուած մարշալ Մարտինէս Կամպօսի առջև գօրախաղեր անելու, այդ արիւնականութեան մէջ և առջև, որը քսան տարուց ի վեր ամբողջ Իսպանիան յետադիմութեան մէջ է պահում: Մարտինէս Կամպօսն է Իսպանիայում միապետութիւնը վերականգնեցնողը, նա է 1873 թ. ի վեր բոլոր ժողովրդային շարժումները անլսելի խստութիւններով ջարդողը, նա է որ 1892 թ. փետրուարի 10-ին խեղդել տուաւ չորս գիւղացի յեղափոխականներին Քսէրէսի ապստամբութիւնից յետոյ: Եւ այդ մարդը, խաւար յետադիմութեան այդ կենդանի պատկերացումը, իսպանական ժողովրդի աշխատաւոր և թշուառ դասի այդ ոխերիմ թշնամին էր, որ պատրաստվում էր ցոյց տալ հաւաքուած ամբոխին իր սուկների թիւը, իր զինւորների վարժութիւնը և այն վտանգը, որին կենթարկուի ժողովուրդը, եթէ մի անգամ էլ փորձէ թոթափել բռնութիւնը:

«Կարգը», այսինքն յետադիմութիւնը, կատարեալ յաղթանակ տարած էր երեւում:

Ըստ երևոյթին չկար այդ բոլորին մի այնպիսի դժ, որ յանդգնէր գլուխ բարձրացնել այդ զօրեղ մարշալի դէմ, որի փողոց դուրս գալն իսկ, ձիով, շրջապատուած զօրապետներով և բոլոր իր շտաբով, ուրիշ ոչինչ չէր, եթէ ոչ մի անարգանք, որ յաղթողը ձգում է յաղթուողի երեսին:

Այդ անարգանքի դէմ նոյն ինքը ամբոխը անոյժ էր մի որեւէ բան անելու. ամբոխը ատում էր այդ խաչերով և պատուանշաններով զարդարած դահիճին, բայց և այնպէս համբերում էր: Եւ այդ անարգանքին մի հասարակ բանուոր, մի անձնանուէր անհատ գիտցաւ պատասխան տալ: Ամենափառաւոր բոլորին, երբ մարշալը առաջանում էր մի հիանալի նժոյգի վրայ նստած, իսկ ամբոխը արագաբար ձանապարհ էր բանում նրա առջև,

մի մարդ բաժանվում է ամբոխից. իսկոյն և եթ երկու ուսմբ պայթում են մէկը միւսի յետեից մարշալի ձիու ոտների տակ:

Դժբախտաբար արդար վրէժխնդրութիւնը չը հասաւ իր նպատակին: Մարտինէս Կամպօսը միայն թեթև վէրքեր ստացաւ, նմանապէս և երկու գէնէրալներ, մի թիկնապահ և երկու ոստիկաններ: Մի ոստիկան և ձին սպանուեցին:

Թէև ուսմբը վրիպեց իր նպատակից, բայց այդ հանգամանքը ամենին չնուազեցրեց նրա բարոյական նշանակութիւնը: Դա մի ճարտար դաս եղաւ, որ ցոյց է տալիս թէ ժողովրդին ճշդողները միշտ անպատիժ չեն մնալ նոյն իսկ երբ ժողովուրդը յաղթւում է:

Եւ այդ դասից լաւ կանէին, եթէ օգտուէին ուրիշ երկրերի բռնակալ բարձր աստիճանաւորները....

Այդ արդարադատական գործը կատարողը իսկոյն ձերբակալուեց. նրան բանտ նստացրին և յետոյ զինւորական դատաստանով մահի դատապարտեցին: Նրա անունն է Պաուլինօ Պալլաս, 31 տարեկան, ընտանիքի տէր:

Հոկտեմբերի 6-ին (ն. տ.) Պալլասին գրնտակահար արին: Նա մեռաւ հպարտ կերպով:

ՊԱՏՄՈՒԹԻՒՆԻՑ ՄԻ ԵՐԵՍ

1848 թ. Փետրվարի 21-ը:

Այդ երեկոյ ազդեցիկ բանորները մարտի էին պատրաստվում: Ծանր գրութիւնից թեւադրուած և ապագայի յոյսով ոգևորուած բորբոքիչ եւ համոզիչ յորդորներ էին կարգացվում: Եւ միշտ կը յիշեմ այն կրակոտ յորդորը, որ արտասանեց մի գունատ երիտասարդ Սէն-Մարսէլ թաղի մի մութ ու աղքատ սենեակում: Երբ նա խօսում էր, նրա աչքերից բարկութեան կայծեր էին ցայտում: Նա հրաւէր էր կարդում, հրաւէր, որ ոգևորիչ էր ինչպէս Օգիստ Բարբիէի տաղերը և մոպլորպէս Տացիտի պատմութիւնը. և նրա խօսքը հնչում էր վայրենի ճարտարախօսութեամբ:

Մեծ էր նրա թողած տպաւորութիւնը և նա թափանցեց մինչև իմ հոգու խորքերը: Աւաղ-այդ հրաւերը արտասանողին վիճակուած չէր դրա նման ուրիշ յորդորներ ևս կարգալու: Տաւա-տարիմ իր քարոզին, անձնական օրինակը մի-ացնելով իր խօսքերին, նա միւս օրը հրացան վերցրեց և անյայտ կերպով ընկաւ մարտի մէջ, ինչպէս միւս շատերը: Այդ ապստամբա-կան հրաւերը, թէև անկատար և անմշակ, լի էր ոգևորութեամբ և մթութեան մէջ վառ ոռոզ կրակի պէս, նա տարածում էր իր շանթերի լոյսը շուրջը նստած ունկնդիրներին վրայ: Ահաւա-սիկ այդ ճառը:

— «Քսան դարերի ընթացքում, մէջքերդ ծռած ձեր քրահնքով ցողած դաշտերի վրայ, սերնդից սերունդ դուք ստրուկ էք մեծա-ցել ձեզնից հարուստ, բայց փչացած և ձեզ պէս մահկանացու մարդկանց ձեռքին: Դուք նրանց տուել էք, թէև այդ մարդիկ ձեզնից բնաւ աւելի տեղ չեն բռնելու գերեզմանա-տան սև հողի մէջ կամ մարմարեայ արձա-նաքարերի տակ, բայց դուք առանց տրտնջա-լու տուել էք նրանց ձեր արիւնը, ձեր կեանքը: Նրանք խելեւ են ձեզանից ձեր հանգստութիւնը, ձեր կայքը, ձեր ազատութիւնը՝ մար-դուս այս հարուստ գանձը, որով դուք չէք ուզում հարստանալ: Նրանք խմել են ձեր քա-մած գինիների ամենաբնտրները, նրանք կե-րել են ձեր հունձերի արգիւնքը, նրանք սպանել են իրենց պիղծ փաղաքշանքներով ձեր արեան, ձեր արգանդի պտուղները — ձեր կոյսերին, ձեր կանանց, ձեր քոյրերին և ձեր մայրերին, երբ սղքա դեռ գեղեցիկ և ջահիլ էին: Նրանք ձեր գլխին առատ-առատ հարկեր, տուրքեր, ճնշումներ, աղքատու-թիւն և թշուառութիւն թափեցին: Նրանք ձեզ անարգեցին, ձեզ մինչև ի մահ ճգմե-ցին: Եւ դուք վրդովման, բարկութեան, ապս-տամբութեան մի ձայն անգամ չը հանեցիք: Դուք թոյլ տուիք, որ ոչխարի պէս ձեզ խու-զեն, ձեր կաշին բերթեն: Դուք թո-ղիք, որ ձեզ սովմամահ անեն: Դուք համ-բերեցիք, դուք տարաք բռնութեան բոլոր մա-

հաբեր հարուածները: Եւ դուք համբերեցիք այդ ամենին, որովհետև ձեր հոգևոր հայրերը, ձեր աշխատանքով չաղացած աղաների ու բե-կերի այդ ամթալի կողմնապահները ձեզ հրամայում էին համբերել յանուն մի ամենա-բարի և ներողամիտ Աստծու, որին ատելու համար դուք չունէիք ո՛չ խելք և ո՛չ էլ կամք: Իսկ այժմ, այժմ այդ մարդիկ, որոնց կեան-քը ձեզ համար մահ էր, որոնց երջանկու-թիւնը ձեր զրկանքներից էր շինուած, որոնց ազատութիւնը ձեր ստրկութիւնից էր առա-ջանում, որոնց քաղցը, ձեզ դժբաղդութիւն-ներից էր հիւսած և հարստութիւնը ձեր աղքատութիւնից ստեղծուած. այդ մարդիկ, որ արդէն զերեզման են իջել ձեր նախնիք-ների հետ, ժառանգներ են թողել այս աշ-խարհում. գաւազները հայրերին նմանելով, մի և նոյնը են անում ձեզ հետ: Բայց դուք՝ դուք այլ ևս չէք նմանում ձեր պա-պերին, որովհետև նրանց մահից յետոյ մարդկային միտքը վարգացել, առաջացել է, յեղափոխական հոգով թափանցել է արդէն մինչև իսկ խրճիթների մէջ: Օգի հետ մար-դըս շնչում է ազատութեան և հաւա-սարութեան դրախտային բուրմունքները: Եթէ դուք այլ ևս չէք նմանում ձեր պապերին, մի հետեւէք նրանց օրինակին: Մա՛րդ եղէք և ո՛չ ստրուկներ: Չգեցէք, թօթափեցէք ձեր ցնցոտիների հետ և ձեր ուղեղի պատառո-տած զգեստները....

Ընդունեցէ՛ք ձեր մէջ նոր վարդապետու-թեան առաքեալներին և շուտով կը ծագի ձեզ համար, ինչպէս և բոլորիս համար, այն օրհնեալ օրը, որ մենք երազել ենք և բոլոր սրտով մաղթել....

Ալֆրէդ Դէլլօ

«ՀԱՄԱԹՆՔ»-ի համարները ձրի կուղարկուեն ցանկացողներին: Դիմել հետեւեալ հասցեով.

W. Voinich. (Hamaink). 3, Ifley Road, 3.
Hammersmith, W., London.

Փարիզ. Միջազգային տպարան.